



10869

蕉林詩集

真定梁清標



七言律二

上巳郊行

夕陽堤柳澹烟籠宛轉溪橋一徑通誰共壺觴修  
禊事又從車馬試春風寒塘芳草呈新綠曲巷柴  
門見落紅筇杖青鞵虛負約翠微遙在有無中

登慈蔭寺閣

數載重登千尺閣兩餘晴色獨憑闌石堂徙倚烟

蕉林詩集

七言律二

一

霞迥清磬晨昏歲月寬苔影上簾春草細泉聲入  
戶曉塘寒風塵漠漠頰回首何日滄浪把釣竿

蘆溝道中

芳原小隊擁鳴珂村巷疎烟帶淺莎  
蕪養臂鷹迴遠岸王孫挾彈度  
渾河皇州縹緲春雲合沙磧逶迤  
迺落照多駐馬西山青可挹迷津  
莫問悵如何

送羅皇庵致政歸里

羨君揮袖問巖扉柳暗旗亭怨夕暉  
杜若洲邊千嶂合春潮天上  
一人歸浮雲世事拋簪綬故園生

涯採薇薇京洛同遊今幾在十年回首各沾衣

二

未老何緣賦遂初臨歧慷慨酒樽餘  
居江左能將母病免文園自著書  
三徑薜蘿吾道貴十年筆札宦情疎  
扁舟去國輕如葉滄海無令歲月虛

送大叔父備兵德州

賜履東方擁傳行青門猶子帳前旌  
外臺憲節新開府郎署風流舊水衡  
按部平原春雨細牽帷架父暮雲生  
喜看鎖鑰瞻天近卿月高懸接鳳城

蕉林詩集

七言律二

二

日邊方岳自崔嵬分臬群推叔父才  
去慰倚門慈母望遙傳執斧使君來  
大官玉粒千艘集諸將戈船萬隊廻  
重地卽今須保障安瀾東顧海如杯

送劉安東兵部典試粵東

含香仙吏藉持衡急雨輕帆促去程  
格遠計煩三殿詔薦賢書奏五羊城  
瘴烟秋洗文星見合浦珠還海月明  
自昔得人論上賞歸來武庫坐銷兵

夏日漫書次家少宰韻

手植叢花送晚香  
攤書棊几過斜陽  
月來虛牖風簾靜  
雲下高城雨氣涼  
世路驚心人懶漫  
少年回首事微茫  
泠然一榻渾無暑  
坐久茶烟遶筆床

二

官閒清晝簿書稀  
無語開軒坐落暉  
征稅東南連歲急  
烽烟嶺海幾人歸  
采真久負三山約  
閉戶從知萬事非  
遙憶西疇新雨足  
韓河月冷舊漁磯

送張晦先遭繼母夫人喪還里前按粵曾撫

巨寇

蕉林詩集

七言律二

三

七尺身留萬死餘  
麻衣又見返荒廬  
威行海國消鯨浪  
孝感慈闈躍鯉魚  
送客兩行燕市淚  
歸裝數卷嶺南書  
篝燈猶憶論文夜  
君去誰能更起予

夏日閒居

垂簾永日小堂虛  
座有良朋慰索居  
烟色六街鳴柝後  
晚涼一榻上燈初  
浮雲世事頻呼酒  
急雨閒堦起讀書  
深樹流螢飛箇箇  
絳河清影下庭除

贈高二亮同年

所著詩文傳奇甚富

早辭墨綬采江離  
襪被重來詠五噫  
芒屨十年窮

海嶽綈袍千載見襟期吳歆曲就青鏤管京洛篇  
成黃絹詞知爾元龍豪氣在殷勤莫放掌中卮

二

短衣朝市自行歌萬里迎親意若何孤客曉依湘  
水鴈秋帆遙下洞庭波漸離俠骨窮猶健高適詩  
名晚更多經歷中原戎馬地壯遊勛業漫蹉跎

將

楚人

送高淑觀補龍南令

十年作令識君才又縮銅章頓水隈野戍墟烟沉

蕉林詩集

七言律二

四

戰壘訟庭人吏雜蒿萊山連五嶺啼猿急濤暗三  
江瘴雨來荒徼無言風土異須令到日縣花開

秋夜餞晉公之桂林

飛觴送客漏沉沉一曲驪歌別思深露下綺筵秋  
漸老香生桂樹月初臨篝燈燕市聯床話捧檄蒼  
梧萬里心百粵山川元秀絕牽帷君莫廢清瑩

贈同年鍾一士佐郡河間時以詩詞見示

樽酒論文一破顏著書姓字重燕關揮毫詞苑秦  
淮海變體詩名李義山溟渤秋深鈴閣靜太行雨

霽訟庭間才高佐郡無多事吏散衙齋放白鷗

送公美兄赴楚臬幕寮

傲吏蹉跎白髮生芙蓉泛水傍江城策勲幕下叅  
高畫遷客天涯老宦情春發漢陽晴樹色秋深鄂  
渚落潮聲風流賓佐應多暇度亮樓中嘯月明

送顧蒨來考功假旋吳門

潞河清曉放蘭舟賜沐 恩承晝錦遊數卷圖書  
歸吏部片帆風雨載高秋客心芳草城邊路宦况  
浮雲江上樓人物九流須水鏡碎疆勝地莫遲留

蕉林詩集

七言律二

五

送篴在辛歸丹徒

行行驄馬避如何忽著初衣返薜蘿漢法三章懸  
象魏宦途九折比江河西窓雨夜攤書滿北固雲  
山伏枕多知子蕭然忘寵辱好從靜室禮維摩

送彭燕又司李汝寧

拜官 闕下尙譚經大雅千秋見典刑每向窮途  
懷國士今看法吏應文星汝南月旦人倫鑒江左  
風流海嶽靈佐郡稱平無案牘天中曉對數峰青

送晉公別駕之嶺右

捧檄高秋萬里行送石一夕二毛生携家嶺右琴  
書重佐郡天涯舟楫輕孤嶼湖連妖蜃氣群山水  
落夜猿聲月明回首江關暮直北浮雲是帝京

二

張燈執手共沾衣目斷離亭葉正飛何事朱顏投  
瘴癘遂令白首泣庭闈帆懸湘水蛟龍擾人過衡  
陽鴻鴈稀見說此邦都會地加飡莫使酒樽違

三

如今五嶺卽邊州橫海戈船戰伐秋萬里烽烟催

蕉林詩集

七言律二

六

兩髭十年郡吏有孤舟界標銅柱華風盡月冷黃  
陵帝子愁此去洞庭波浪險相逢楚客莫登樓

四

一官湖海尙遼巡買棹南行宦橐貧別駕古來稱  
驥足蠻方此日見騷人帷開桂嶺香風入木合盤  
江瘴雨頻初到山猿爭賣劍功名異域未沉淪

送行烏薛先生致政歸河陽

清時疏傳許歸休抗手雲霄不可留何事老成輕  
去國翻令高蹈遂披裘畫圖共羨青門帳春水偏

宜綵鷁舟舞罷萊衣耽嘯咏各圍翠竹正修修

二

東華回首夢蘧遮莫論人間有謗書白髮親闈應  
愛日黑頭卿相早懸車看山不惜登臨費問寢方  
知歲月舒王屋洞中藏副在百城坐擁樂何如

贈王孝與還越

燕關懷刺欲何之年少纔當入洛時我識王哀爲  
孝子誰憐任昉有孤兒青氈舊剩君家物白雪新  
傳郢客詞冠逸倚門慈母在歸帆風雨莫栖遲

蕉林詩集

七言律二

七

挽胡韜穎督府

久從襄漢著威名盡瘁深憐志未成幕府清笳哀  
部曲江天陰雨濕銘旌伏波老尚留銅柱仲達生  
猶畏孔明俠骨已寒神爽在何堪萬里失長城

二

百戰艱難報國身勛名何事遽成塵沙塲南望埋  
秋草汾水東流哭故人星殞營門旌旆暗觀歸客  
路總帷新平生裛革丹心壯雖死終當作鬼神

三

勞臣已抱文園病，制府猶傳詔。墨溫峴首有碑，餘涕淚成都無產付。兒孫千年空返遼，陽鶴萬里誰招楚。澤魂媿我素車難執紼，臨風掩泣對黃昏。

四

十載中丞仗鉞勞，笑譚每自許龍韜。賜衣乍冷新貂錦，報主猶存舊寶刀。兩灑孤墳春草暮，沙飛戰地陣雲高。傷心尙憶臨岐日，看劍燕山醉濁醪。

贈陳昌箕學博

青衫徒步帝城邊，仗策南歸擁一氈。風雨短檠孤

蕉林詩集

七言律二

八

客夢圖書滿橐，孝廉船寂寥。玄草悲楊子，潦倒才名老。鄭虔珍重故山家，萬里榕城無恙荔枝天。

二

落落公車歎路難，詩名垂老滿長安。每憐都市琴空碎，漫傍朱門鏡自彈。長吏應懸高士榻，酒錢誰給廣文官。途窮尙有生花筆，賦就登樓許共看。

送劉安東備兵建南

繡衣分臬古諸侯，萬里閩天借壯猷。前箸樞曹參石畫，折衝海國見安流。幔亭風雨千巖曉，下瀨戈

船百粵秋行却君應勤問俗十年民力困誅求

寄少宰兄村居

西園十畝不聞喧此日滄洲道自尊閒鷺窺人青  
雀舫老農荷杖白雲村豈同陶令辭彭澤翻學龐  
公入鹿門共約烟霞兄獨遂始知謫宦是君思

贈賀宣三令丹陽

家有函樓蓄書甚富

萬卷牙籤近郭居高吟抱膝足三餘平原公子能  
留客玄晏先生好聚書初試琴堂春雨潤曉臨水  
驛畫樓虛知君爲政緣經術一縣花開錦不如

蕉林詩集

七言律二

九

二

十年閉戶築書樓作吏東南亦壯遊捧檄適當山  
水縣驅車正及鴈鴻秋練塘日暮濤聲合鐵甕城  
高海氣浮六代風流應不減絃歌聲滿大江頭

送王燕友假歸合肥與宋直方饒型萬同舟

圖書携去一舟輕把酒燕山送子情共羨李膺同  
畫舫誰知張翰遂萼羹片帆秋雨菰蒲色兩岸江  
風蘆荻聲七載宦成今衣錦淮南猿鶴遲歸旌

二

振衣休沐問滄洲  
路水湯湯遠驛樓  
魚浦晴開菡萏暮  
楓村香發稻花秋  
酒人燕市增離索  
詩友江程足唱酬  
行矣鋒車宜早駕  
朝簪海岸莫輕投

送金又鑣出守汝南

前令閩鄉又恤刑中州

五馬乘秋太守行  
舊遊共識使君清  
鳴琴陝洛棠陰滿  
斷獄中原貫索明  
曉出名花開幾縣  
春來甘雨散孤城  
汝南自昔多循吏  
特賜油車重漢京

送徐玄文考功還武林

君幼以孝聞有異徵

刻燭論文意氣真  
君家元是石麒麟  
苦吟直欲追蕉林  
詩集

七言律二

十

風雅純孝曾聞動鬼神  
八月帆檣天上客  
六橋烟雨鏡中人  
山居著作千秋事  
莫逐輕肥傍市塵

二

水壺玉尺映高秋  
吏部清通爾獨優  
載酒每邀燕市月  
囊書忽上武林舟  
滿山紅葉迎歸棹  
千頃寒潮打郡樓  
別後常懸孺子榻  
詩筒好爲寄江郵

秋懷

中年節序倍關情  
最怪秋蟲藉草鳴  
賣穀野農憂急稅  
裹糧甲士怨長征  
青門瓜圃行吟路  
紅女隣

牆搗練聲可惜流光彈指換空教署尾絆虛名

二

朝來拄笏掩雙扉香草堂前望翠微雨足新田秬  
稻熟蘆深秋水鱉螯肥辭巢社燕渾如客避地邊  
鴻尙未歸好趁體強黃犢健城西載酒典朝衣

哭張仲若制府

戲下愁聞薤露歌龍蛇職歲奈君何擁旄坐鎮中  
原地輕騎春行瀚海波久以四知巖暮夜遂令一  
笑比黃河無端身死哀良友悵望寧能捫腹過

蕉林詩集

七言律二

十一

二

軍務紛拏歎苦辛中朝何遽喪斯人看碑又見思  
羊祜憂國誰能過祭遵蘭夢未徵身已沒樓臺無  
地官仍貧一棺萬事俱塵土歲歲孤墳勁草春

三

廉吏從來未可爲孤臣何意竟如斯捐生徒有材  
官哭旣死翻令聖主疑束髮早知多至性潔身  
終不負清時悄然旅櫬賓朋絕白馬青芻更是誰

四

聯鑣憶昔侍西清，古道心推同舍生。詎有書成新  
息謗，空教星落武侯營。光埋玉樹魂何處，恨掩泉  
臺志未明。他日墓門終挂劍，幾人歌泣葬田橫。

送孫忞庭黃門假歸歷下

拜疏黃門返舊廬，一時鳴鶴更誰如。尙方獨請朱  
雲劍，痛哭曾陳賈誼書。秋老溪山供伏枕，花明湖  
聖屢巾車。便宜佇待還朝奏，院滿梧陰未合虛。

送葉眉初登第歸崑山

紫髯吳客度翩翩，何減機雲入洛年。都下舊傳梁

蕉林詩集

七言律二

三

苑賦宮中新奏子虛篇，鶯啼禁柳春遊騎。人返澄  
江夜泊舫，相望彈冠多。風好漫從南國滯，風烟

寄懷錢仲芳并謝寄詩

孤吟抱膝臥江濱，旗鼓中原自屬君。高蹈幼安傳  
皂帽，低頭楊子著玄文。開軒香滿檐前桂，曳杖紅  
看海上雲。當日鷄壇人幾在，西風那不念離群。

二

開函遠道誦新詩，紈扇清風絕妙詞。媿我未嫻司  
馬法，惜君猶在臥龍時。三年書札淹懷袖，萬里停

雲對酒卮且喜鳳毛初捧檄亭亭玉樹是佳兒

三

魏塘風雨閉雙扉倦罷公車戀薜薇楚服裁成吾  
道貴陽春唱出和人稀帳中應自矜鴻寶海畔於  
今有布衣他日相思烟水曲蒼茫何處問漁磯

戊戌除夕

一夕春風滿漢京濁醪緩酌伴燈檠不才濫接夔  
龍武久客頽虛鷗鷺盟書債索來終歲有世緣闕  
盡百憂輕相看頓訝非年少白髮明朝又幾莖

蕉林詩集

七言律二

三

己亥元日

燈火闌衢自掩扉吾生四十歎全非年增甘讓屠  
蘇酒兒大能披萊子衣幸有一編消白晝難將寸  
草報春暉勞勞門外多車馬暫息茆堂興莫違

元夕

烟飛宮蠟雪初晴青玉光懸戶戶明遠路香塵角  
觥戲傍人華月踏歌聲車書萬國春無恙鎖鑰千  
門夜不驚最怪五陵諸俠少錦鞵細馬徹宵行

吳甥至自里門

小堂曉起噪簷禽忽視陽元喜不禁每恠儀形真  
似舅况當春夜果如金里門燈火從容話客子京  
華去住心夢到家山渾欲舞汝來愈我病侵尋

送李五鹿司農歸山右

司農清比潞河流揮袖春風識倦遊漕輓早登天  
府粒漢家初拜富民侯上書玄髮輕朱紱跼履青  
山有敝裘國計於今須石畫可能烟月自夔猶

送嚴顯亭給諫還武林

水泮河橋解纜初暫投簪紱問樵漁人倫東國馳

蕉林詩集

七言律二

十四

清譽直筆中朝頌諫書水驛鴈來春雪後江城笛  
弄晚潮餘治安籌策須公等莫遣湖邊歲月虛

贈卜聖遊同年

王門鼓瑟不吹竽羸馬駸駸雨雪途每怪樂羊多  
謗篋誰云新息載明珠含香舊借帷中畫聚米能  
成塞上圖莫向風塵嗟謫宦子才豈老步兵厨

贈菊潭桂先生

家世爲將

曾經披甲戰場深白髮歸來種杏林藥售市中無  
二價方從海上授千金還丹吐納真人訣撫劍悲

歌烈士心當日東陵瓜圃在高風今古未銷沉  
寄強九行同門時遊真定

孤舟落拓傍江湖憔悴行吟楚大夫誰更綈袍憐  
故舊翻令席帽擁泥途典裘幾醉中山酒垂橐猶  
携五嶽圖河朔少年能結客悲歌曾識慶卿無

春日家園樂

雪消大陸古堤平綠滿東園水拍城出谷雛鶯啼  
坐樹鈎簾少婦午調笙碧陰遊冶金丸小細馬春  
衣白恰輕戶戶巾車烟雨後杏花零落近清明

蕉林詩集

七言律二

十五

春日帝京樂

綠烟如織午風和輦路珊珊響玉珂花市青帘燕  
谷暖金盤麗日漢宮多梯航闕下新王會歌舞  
侯門舊綺羅三徑自生春草細從容退食盼庭柯

聞王師入滇

公孫據蜀欲何如萬里新傳露布書橫海將軍兵  
不戰垂衣天子筭無虛夜郎叢爾投戈日父老  
歡然放馬餘初服蠻方勤廟略三章漢法古來疎  
贈益都孫公子

翩翩公子善稱詩喜讀奚囊絕妙詞授簡初看成  
賦後問年正及棄繻時人傳謝氏池塘句我畏孫  
郎帳下兒壇坫濟南今有屬通家相見恨交遲

春日雨中傅掌雷司農招飲城南賞花

荇葉田田燕子斜結茅臨水似山家避喧林外停  
飛蓋選勝城隅坐落霞三徑香生榆莢雨一樽人  
醉杜陵花短籬春鳥如相和漫對東風負歲華

送王襄璞方伯還閩中

燕山雨雪喜逢君方岳誰過閩海勲蓮幕日招珠

蕉林詩集

七言律二

十六

履客金錢歲給水犀軍歸途詩卷盈孤舫拜闕

簪裾傍五雲騎竹蠻兒遲使節徵書早晚下江濱

聞張晦先自越中携書歸走筆寄訊

聞君吳越買舟還遊歷西湖第幾灣曾否秘編傳  
塚內有無金簡出人間晴窓散帙牙籤細春晝焚  
香茗竈閒我亦蓄書支俸盡竒文可許共開顏

送李文孫少叅之河北任

分藩飛蓋傍春鴻千騎諸侯賜履同開府中原新  
使節詞臣楚國舊雄風山家雨色天壇樹驛路河

流瓠于宮上黨地連煩鎖鑰看君儒服奏奇功

二

驪駒何事度津亭  
藜火曾燃乙夜青  
自昔周南留太史  
於今河北借文星  
春風按部花盈縣  
晴日舉帷綠滿汀  
珥筆卽當還紫禁  
韋賢家世本傳經

送王伊人侍養歸雲間

青門風雨羨鴻飛  
返哺慈烏願不違  
九折早廻王子馭  
孤帆今見季鷹歸  
携來帝里新詩卷  
舞傍高堂舊繡衣  
垂白兩親猶健飯  
持竿三泖鱸肥

蕉林詩集

七言律二

十七

送楊雪嵐宗伯侍養還河內

陳情解組世誰如  
漠漠飛塵御板輿  
躡屐晴遊王屋洞  
奉親獨釣孟諸魚  
三公愛日輕華板  
五月乘風問舊廬  
見說容臺興禮樂  
寧能高臥草玄居

送萬扶滄之任太原

暑雨燕山送玉珂  
十年嶺海老干戈  
分藩人似羊開府  
歸漢名同馬伏波  
畫戟曉臨汾水曲  
白雲秋傍太行多  
晉陽自昔稱雄鎮  
保障功成更若何

送郭石公守順德

皂蓋翩翩擁去騶，美人出牧古邢州。持籌粉署推  
民却騎竹兒童迓，細侯禾黍風高川麓曉。濁漳雨  
落石門秋太行，山色元如畫。潑墨看君作臥遊，君工

繪事

送劉憲評中丞撫寧夏

賀蘭天外自嶙峋，地控靈州虎豹屯。栢府少年新  
授鉞，都亭當日舊埋輪。千山野燒風沙急，列障秋  
防鼓角振知爾。聞鷄如越石，吹笳行靜玉關塵。

送趙一鶴令趙城

蕉林詩集

七言律二

十九

秋風汾上莽蕭蕭，再縮銅章強折腰。勞吏十年催  
鬢髮，孤城百里困征徭。遺民不改陶唐俗，國士猶  
傳豫讓橋。計日政成看奏最，郎星咫尺近雲霄。

秋日送婁鶴笙進士歸里

少年早看上林花，歸去鷄窠擁五車。玩世清狂稽  
叔夜，輕財任俠魯朱家。燕山邀月芳樽滿，易水衝  
風席帽斜。後進里中誰得似，攤書莫漫負韶華。

送吳玉隨編修 予告還全椒兼寄訊玉鉉

君家伯仲等璠璣，何事投簪下玉除。宦橐一錢留

杜甫茂陵四壁病相如風驅羸馬津亭暗霜落江  
天木葉疎忽憶元方龍臥久栖栖每愧寄雙魚

二

薊門飛雪問王程襪被蕭然去任輕每羨堂中推  
孝友遂令海內重科名風塵拂袖維摩恙鄉國驚  
心下瀨兵太史周南無久滯山居早晚著書成

訪李貳公宗伯

春明門內卽村居薜荔蕭然十畝餘市遠隣家頻  
過酒地偏花外偶停車一樽醉擁平泉石萬卷晴

蕉林詩集

七言律二

十九

攤李謚書解組喜承新 寵渥鑑湖爲樂更何如

送劉瀛洲大司空致政歸蘇門

尙書擁傳綠楊天共羨承 恩少傳賢種德久平  
東海獄鳩工不費水衡錢老臣心事懸雙闕野服  
山蹊弄百泉身退名完誰得似履聲常在五雲邊

初夏齋中

輕陰細雨響庭柯開徑唯應二仲過蕉影上窓新  
筍直蛛絲垂戶落花多焚香自信無機事退食寧  
能廢嘯歌門外儘教塵十丈坐銷白日似山阿

午日王襄璞方伯召飲金魚池次王敬哉大  
宗伯韻

午日烟波動夕陽采菱風起鬱金堂平沙碧草晴  
調騎隔樹朱樓巧炙簧百道泉流歌館外五陵客  
醉酒鑪傍畱髡永晝堪忘暑寂歷漁燈下柳塘

送袁九叙司農巡撫雲南

建節乘風萬里行殊方鎖鑰仗儒生富民自屬司  
農任柔遠應知 聖主情北極常星臨楚甸南天

秋色落昆明輕裘共識羊開府六詔烽烟指顧平

蕉林詩集

七言律二

三

二

青門祖帳草萋萋吹角樓船組練齊天外版圖瀆  
水盡蠻中鳥道瘴烟低行看馬援標銅柱無事王  
褒祀碧鷄父老感恩歸約法西南歌舞徧雕題

三

良朋悵別欲沾襟風雨燕臺白晝陰募士自將三  
輔騎椎牛特 予尙方金黃雲飛輓安邊策明月  
江帆報主心回首帝城家萬里莫教天北鴈書沉  
送丘曙戒中允左遷瓊州別駕

詞臣何事去炎方，襍被蕭然水驛長。  
嶺表舊開遷客路，瓊山故屬大賢鄉。  
猿啼黎峒蠻雲黑，日落珠崖海氣黃。  
年少賈生非久棄，不須作賦吊清湘。

送張晦先僉憲之松龍

圖書數卷去邊州，萬里蠶叢亦壯遊。  
隴樹影迷雲棧曉，夜猿聲斷錦江秋。  
羌人歌舞思廉吏，荒塞烽烟借勝籌。  
惆悵一樽燕嶠暮，送君風雨罷登樓。

二

郎署頻年領外臺，清風共識使君來。  
南巡炎海鯨

蕉林詩集

七言律二

五

波偃西望青天鳥道開，緩帶不妨耽嘯咏。  
枕戈親爲闢蒿萊，遐方莫歎功名薄。  
節鉞須煩管樂才

送婁鶴笙令涇縣

少年奏對識終軍，涇水鳴琴早策勲。  
濁酒袂分燕市月，秋風帆落敬亭雲。  
轉輸閭左憂繁賦，組練江干急寇氛。  
到日須教花滿縣，翩翩仙令久空群。

送張伯珩司空開府關中

鳴笳開府帝王州，百二河山借壯猷。  
車上范滂獨攬轡，軍中羊祜但輕裘。  
露盤秋洗邊烽靜，渭水晴

翻漢月流形勝三秦節鉞重看君年少取通侯

二

早年執斧推驄馬此日登壇賜錦袍父老歸心三尺法市塵歛跡五陵豪風清甲帳牙旗肅雪積炎天太白高廉吏古來資保障須知 聖主念民勞

輓外舅王太常公

公爲部上趙太宰甥

太宰直聲垂宇宙陽元令譽著當時中朝名義歸厨顧盛世清流借羽儀三木竟成北寺獄百年猶重黨人碑重論往事堪揮涕鄙上遺風未可追

蕉林詩集

七言律二

三

二

平生逸氣自空群垂老官猶傍五雲三篋云書能默記累朝故事及親聞家風黠淡青箱學筆陣縱橫白練裙一代典型今已廢西清寂寞帳斜熏

三

早年悟道學飛仙飽歷風霜塞上天真訣每求冷玉法丹砂自錄養生篇初周甲子形先化七守庚申秘莫傳他日歸來華表鶴人民城郭一潸然

四

欲歌薤露不成聲累世朱陳憶夙盟舊德人多傷  
木拱淺才余久媿水清老臣生死恩同渥廉吏兒  
孫報詎輕疇昔緒言猶在耳遙阡極目幾沾纓

虞臣家弟分闡台州

結髮行間學六韜仲華年少擁旌旄軍移瀚海蛟  
門險弓掛秋山鴈蕩高壘鼓莫教驚越女椎牛頰  
自散錢刀水犀破賊鏡歌奏月下啣杯解戰袍

二

虎頭分闡事南征落日蕭蕭細柳營人號黃鬚龍

蕉林詩集

七言律二

三

決戰身騎白馬早知名投壺漢將軍中宴飛檄盧  
循海上兵斗印通侯懸懋賞卽看萬弩射湖平

高子奮水部往視蘆政

雙旌南逐鴈鴻天簪笏傳家有象賢八月寒濤浮  
畫舫六朝烟樹動朱絃仙郎舊擅梅花詠使者秋  
行江上田菑莢蕭蕭民力詘輕裝好計水衡錢

王蘭陔水部分司武林

冬曹秉傳促行鑣吳會風烟散六橋估客秋停滄  
海棹戍樓晚上浙江潮軍船戰罷花無恙官閣梅

開興倍饒十里湖山君作主含香仙吏白雲霄

喜雨

蘊隆愁見碧天高一夕銀河落怒濤郊樹乍看秋色動桑林足慰聖躬勞流民失路還鄉井枹鼓稀鳴緩賊曹海內昇平闕此日探丸草澤正如毛喜李吉津入關寄贈時方有親喪

十年竄逐寒笳哀共喜金鷄肆赦回淚盡天涯霜鬢改生還故國玉門開詩書漫卷疑歸夢風木新傷泣夜臺計日麻衣隨旅鴈窮秋白首入關來

蕉林詩集

七言律二

五高

二

當時欲殺竟何因每致憐才帝念頻朋輩半歸華表鶴妻孥驚見玉關人雪霜墜戶穿藜榻風雨還家擁角巾數子蒙恩唯爾在海隅揮手老垂綸

寄鄒元獲文學

高士爭看風雨中長吟破壁不知貧獨留蛙部供清吹肯爲豬肝累主人書帶自生巖畔草講堂共識座中春一邨十載傷遲暮誰向衡茅問隱淪

送王襄璞方伯補任山西

前任右藩

笳鼓西風出鳳樓，大藩重領古并州。  
初看薏苡消官謗，再憇甘棠識舊遊。  
桐葉依然唐叔地，汾陰無恙漢時秋。  
富民知爾多籌策，行省勛高自列侯。

辛丑元夕值

先皇鼎湖之變齋宿署中

銜齋日暮澹飛塵，此際烏號飲恨新。  
清吹不聞喧輦路，明燈相對泣孤臣。  
團團自度疎窓月，寂歷誰憐上苑春。  
猶憶去年醑賜夜，火山十里醉遊人。

蕉林詩集

七言律二

三五

送王止庵觀察閩中

外臺執憲海隅偏，把酒炎風悵別筵。  
栢府霜清三尺法，榕城雨暗七閩天。  
政平孝婦無冤獄，波靜盧循罷戰船。  
知爾宦遊多遠略，十年名譽滿西川。

送欽敘三還吳門

吳客扁舟落日昏，春風襍被布衣尊。  
携來詞賦高京洛，歸去蓬蒿掩舊村。  
抵掌獨論千載事，曳裾不傍五侯門。  
空囊賸有詩筒在，潦倒江干對酒樽。

贈田髯淵孝廉歸雲間

陰陰津樹孝廉船愁擁詩囊落照前我識謝莊當  
獨步誰令越石讓先鞭人歸烟雨江南棹客散風  
雲薊北天行矣著書三泖曲漢廷終誦子虛篇

清明郊行

西郊草色醉紅霞柳外疎烟一徑斜  
野岸遶村春水見人家接羅倒著山公酒別業晴  
開杜曲花高麓麒麟餘落日那能對此負韶華

二

青鞵布襪踏春風  
靦鶯啼樹樹紅  
水滙御溝朝

蕉林詩集

七言律二

五

關下山蟠王氣滿  
回中丹樓幻出伽藍記  
碧草遙連碣石宮  
舊是傾城行樂地  
百年人醉茂陵東

送白東谷司寇 予告歸陽城

河梁抗手謝東華  
驛路陰陰柳幔斜  
執法舊聞天上履  
采真今秘洞中砂  
清時耆德容高蹈  
海內文章此大家  
去國身輕渾似葉  
臨岐語已帶烟霞

二

臣心如水並高名  
何事驪駒以病行  
種德自堪容駟入  
急流真不負鷗盟  
陶公天與山林福  
疏傳人

看祖帳榮羨爾退身能及早栖遲獨媿縛塵纓

三

輕裝歸及太行秋酒熟花香樂事稠臥病文園多  
著作諸宮白傳自風流社開九老巾車入雲起千  
尋倚杖遊八座還山猶黑髮可能棋墅久淹留

四

洛川少宰前年別王屋尙書今又歸京雒風雲朋  
輩散梁園詞賦弟兄稀林中花落侵詩卷雨後溪  
清穩釣磯數歎芳蘭多遠道追攀欲製芰荷衣

念高

蕉林詩集

七言律二

三

東先  
歸

念東書來却寄

思君遠道罷登樓吳會遙聞汗漫遊淮上有無生  
桂樹桐江曾否問羊裘一樽歌吹雷塘月千里潮  
聲建業舟何不求仙東渡海六朝花鳥祇關愁

二

功名脫屣傍漁磯白眼雲霄幾是非初意谿山供  
蠟屐詎期子舍泣麻衣壺中丹藥何年就石上松  
風風願違他日投簪當過訪藕花深處好開扉

奏對忻看鳳羽賢宛如吾友致翩翩濟南童子西  
遊口栗里先生獨臥年野服灌園携短杖輕舟弄  
笛倚山泉書來猶帶烟霞氣讀罷清風倍灑然

輓范介五館丈

甫東家世集華簪何事文園渴病深鵬鳥賦成垂  
素幔鵲鴒淚盡墮秋砧玉堂人憶山陽笛綠綺絃  
空子敬琴歸櫬寒江楓葉落四明嵐氣晝陰陰

送王王銘大司農彝親歸滇中

蕉林詩集

七言律二

壬

白首勲名八座歸清秋晝錦是麻衣洱西戰壘荆  
榛滿南詔風烟故舊稀淚盡孤墳封馬鬣手披荒  
草認漁磯朝廷函藉司農晝萬里春從鴈北飛  
送孫訢亭太宰省覲歸益都

發發西風 賜沐年錦帆悵別潞河船共看鑑朗  
如秋水獨好樓居似剡仙八座趨庭山雨夜一樽  
橫笛藕花天莫耽鱸膾家鄉美聽履恩深北斗邊  
張晦先書來得聞生子喜寄

秋堂昨夜燭花明良友書來萬里程久信德門綿

奕葉早占英物試啼聲人稱絡秀承家遠政值文  
翁化俗成湯餅喜招蜀父老邛筒酒熟百憂輕

贈張著漢考功侍養歸里

行橐蕭然吏部貧綵衣歸及楚山春中朝啓事留  
冰鑑江國寧親理釣緡象緯夜占賢士里鹿門偕  
老太平人介眉歲月長無恙歌管翻成郢曲新

送王印周學使之江右

才名水部咏官梅擁節南州絳帳開冰鑑久分吳  
練影講壇今辨豫章材仙人閣俯江帆出帝子樓  
蕉林詩集  
七言律二  
三五  
空暮雨來知爾進賢千象緯文光劍氣共昭回

送宋尚水同年守潮州

朱旛萬里促王程南粵初聞太守名荔子香來蠻  
雨暗鱷魚夜徙瘴江平春官典客稱如水海國單  
車勝用兵下瀨樓船飛羽急書生好自請長纓

二

畫省香爐白玉珂一麾嶺表意如何鴻飛海上魚  
鹽盡鶴唳江干鼓角多炎寒寨帷經戰壘蠻兒驅  
犢奏絃歌知君久有乘風志漢將無煩馬伏波

送杜子靜奉使金陵

春宵疎雨亂離筵，擁傳津亭芍藥天。  
欲令吳兒知漢德，遂煩使者動星躔。  
六朝絃管秦淮渡，五月江濤白下船。  
薇省絲綸虛左席，冶城烟樹莫留連。

送吳玉騮黃門歸全椒兼訊玉鉉

驪歌曉發鳳凰樓，水漲桃花放去舟。  
待詔金門傳藻翰，拜官青鎖羨風流。  
春來西掖梧陰滿，歸及淮南桂樹秋。  
封事佇看陳紫禁，故山烟月莫輕謀。

二

蕉林詩集

七言律二

辛

美人南下快揚舲，淮海中宵見客星。  
綺皓入朝容甚偉，青門歸棹酒初停。  
一官旅食思鱸膾，千里鄉心繫鶴鴒。  
寄語元方須強飯，十年鴻羽歎冥冥。

送李漢清少司馬 予告歸高平

幾載典樞資秘畫，一朝解帶各風烟。  
鄴侯兵略惟中借，老氏經文柱下傳。  
共識清修如處女，忽看勇退勝登仙。  
郊原插羽軍書急，棋壘誰過謝傅賢。

二

長平司馬謝風塵，揮手烟霄促去輪。  
三晉古稱君

子國同官今失素心人太行雲起携筇杖沁水鷗  
輕狎釣綸玄髮歸田吾媿汝加飡好愛濟時身

送姜定庵都諫還越

黃門南去奏驪歌急雨蕭蕭下潞河禁闥誰能憂  
國切朝端共識讜言多 九霄綸命高卿月三徑  
歸心憶薜蘿宛委山中秋色好趨庭樂事更如何

二

隣居時共坐斜曛忽漫河橋鴈羽分水驛月明停  
畫舫燕闕日暮帳江雲上林諫獵文章貴海國移  
蕉林詩集 七言律二 三

軍戰鼓聞知爾鋒車能早駕不堪離思轉紛紛

送高弗若侍郎侍養歸韓城

杜鵑聲裏送慈烏結侶芝川舊釣徒宦薄三公菽  
水貴歸尋五柳客囊孤爭看祖道青門帳更寫函  
闕紫氣圖別後城西人寂寞池塘葭菼半荒蕪

贈張大光職方督學川中前曾典試入蜀

蜀道重看憲節來仙郎擁傳下蓬萊談經丹振文  
翁化題柱曾收司馬才劍外江流巴字轉閩中山  
色錦屏開春風帷後羅絲竹香滿郛筒薦酒杯

送陸咸一學憲之閩中

玉節乘風下漢廷使星今日是文星  
法曹貴擁臯比座駿骨全歸相馬經  
榕葉晴開山歷歷樓船書靜海冥冥  
爲郎久著懸魚操倘遇孤寒眼倍青

贈何少叅之關中

江東持斧肅三章奚事分藩罷皂囊  
鎖鑰關門煩漢使風流人吏識何郎  
鳴鷄曉度嶺函月吹角秋生鄆杜霜  
西去莫嗟紅日近壯遊勲業未荒唐

李廷尉母夫人苦節詩

蕉林詩集

七言律二

三

早歌黃鵠怨飛蓬辛苦存孤兒始終畫  
菰燈檠遲夜雨縫裳刀尺動秋風  
梁間縷繫偏棲燕膝下名高御史驄  
彤管千年遺烈在松筠晚節古人同

贈郝雪海

平生湖海氣難馴握手相看涕淚新  
賈誼吊湘同逐客王尊入蜀是忠臣  
孤踪飄泊遼陽鶴席帽逡巡京雒塵  
誰解左騃歸石父十年漸老玉關人

送胡道南侍御還越

功成豸繡問林丘春暮鶯啼古驛樓  
東海戈船停

戍角西陵絃管盛鳴騶舊遊楊柳邗江路新泛桃  
花潞水舟帝里溶溶卿月近君才雲壑未淹留

贈濟南葉濟水守西安

棄繻舊識濟南生新重關中太守名父老三章尊  
漢吏河山四塞擁咸京番簾臥對仙人掌露冕春  
流渭水聲詞賦君家傳綵筆登臨應繫古今情

六月會葬

孝陵恭紀

突兀漁陽萬嶺盤

蕉林詩集

七言律二

三

先皇此地葬衣冠夜深風雨群靈出曉起烟霞列  
帳寒側席憂勤餘十載上林涕淚集千官侍臣徒  
倚黃雲裏佳氣葱葱駐馬看

送張晦先少叅之滇中

琴鶴携來蜀道賒征車南逐彩雲斜三秋霜落初  
收瘴六詔烽銷早放衙異域功名歸博望殊方人  
物志張華莫言萬里風烟隔一泛昆明似漢家

送熊雪堂先生歸豫章

薊門冰雪拂征裘勇退驪駒不可留清鑑九流歸

啟事長城萬里佐邊籌月高樽酒津亭樹霜落蒹  
葭彩鷁舟車馬幾人陳祖帳二疏風節自千秋

二

圖書數卷卽歸裝去國飄然老侍郎避弋澄江看  
鴈羽迴車世路歎羊腸清齋貝葉維摩病野製芙  
蓉楚客裳今古銷魂官驛柳浮雲落日滿河梁

三

東山絲竹久栖遲強起蒼生望救時每誦文章勞  
夢寐喜從縞帶訂風期雲霄士重南州榻日月各  
蕉林詩集

七言律二

三四

懸元祐碑吾道百年闢出處老臣心事鷺鷗知

四

清時耆德遂歸耕風雅東湖舊主盟偶仗籃輿從  
惠遠肯容書札問雲卿秋江剪燭傷心曲黃葉隨  
潮悵別情無恙章門烟月好紅樓牙拍奏新聲

陳郎

演秋江劇最爲先生所賞又著有小紅樓曲

送何誕登叅藩入蜀

蠶叢鎖鑰借黃門落日驪歌斷客魂萬里青天開  
益部十年組甲定公孫錦屏風雨登臨壯棧閣雲

霄攬轡尊去近草玄楊子宅郢筒竒字共誰論

送張公選學憲之中州

中原撻節更譚經  
維下生徒識典型自昔君家占  
劍氣於今吏却是文星  
塞帷二室秋山碧  
校藝孤燈乙夜青  
行矣進賢猶主爵  
風流莫漫悵飄零

送程貫三歸嶺南

先人臥閣論文日  
識子揮毫總角初  
一別炎方烽火隔  
相逢白首亂離餘  
瘴江轉戰啼猿狖  
穴金生守蠹魚  
誦賦未能如狗監  
臨岐執手重踟躕

蕉林詩集

七言律二

三五

二

霜滿河橋木葉飛  
送君萬里淚頻揮  
一編抱膝穿藜榻  
五嶺擔簦老布衣  
駿馬臺荒秋草合  
枕榔雨暗旅人歸  
蕭蕭長鋏隨孤鴈  
海上占星動少微

送李來園廷尉歸漢陽

津亭木脫鴈行疎  
愁聽驪歌落照餘  
海內稱平廷尉法  
山中藏副史臣書  
人從世路驚談虎  
道在林巒慰倚閭  
努力清時須強飯  
江干莫戀武昌魚

二

大別山前錦樹秋，斯人豈合返林丘。一封書奏維摩恙，八月帆懸元禮舟。解組衣裳裁薜荔，忘機烟水狎江鷗。初聞三楚銷金甲，安攘憑君借勝籌。

送季滄葦侍御省覲歸廣陵

芊芊芳草問王程，晝錦家山報早鶯。論事回天傳諫劄，驅車攬轡見澄清。津亭風雨千門曉，畫舫圖書五兩輕。歸去中裙應自浣，舞衣真勝縛塵纓。

二

桃花天上泛春流，相望何如李郭舟。一諾古今推

蕉林詩集

七言律二

三

季布六朝烟月屬揚州，高堂日永扶筇健瀚海波平。戰鼓收羨爾寧親年及少，羈人愁絕仲宣樓。

三

當代元龍湖海豪，論心數欲解虔刀。十年栢府青驄貴，一曲陽春白雪高。問寢早辭燕市月，拂衣獨臥廣陵濤。河梁落日催雙鬢，莫惜郵筒寄彩毫。

送朱山輝叅藩左江

分藩新治鬱林裝，簡要猶稱吏部郎。自昔民生關岳牧，遂令才子借炎方。寨帷晝暗蒼梧雨，折柳魂

銷蘄北霜嶺表山川多勝跡揮毫佳句滿奚囊

二

叱馭何須悵路岐高懷君與古人期十年畫省孤  
區夢五嶺風烟一卷詩地入潯江收瘴後界標銅  
柱罷兵時殊方保障需公等吏治於今尚繭絲

贈汪雲襄中翰

君才綠水傍芙蓉入直頻聞長樂鐘綵筆名高丞  
相客德門貴比徹侯封漢廷典籍諳三篋荀氏星  
辰聚八龍年少多男稱盛事舞衣花下影重重

汪有

焦林詩集

七言律二

三七

子十

送葉帽初司理貴陽

輕舟衝暑下泮河把酒燕山意若何百戰蠻方馴  
獷俗三章漢法去煩苛箐深溪洞風烟隔霜落盤  
江瘴癘和南顧宵衣勤 聖主才人佐郡豈蹉跎

贈會稽姜鉄夫

囊書入洛識君賢對酒當歌夕照前論世獨傳南  
史筆抽毫能賦帝京篇窮年漫滅猶懷刺秋水滄  
漪好放船別去編摩多歲月客星夜傍斗牛邊

贈李旭公

秋窓執手見情親，夙昔論文笑語真。  
市近性偏耽水石，樓居地自隔風塵。  
倦遊我似知還鳥，同學君仍未遇人。  
天許身閒宜嘯詠，蒔花種竹是經綸。

贈客

五陵衣馬動飛塵，海內論交劇孟倫。  
汾水烟霞生畫閣，蕪城絃管醉江春。  
少年朱邸乘龍客，先世青山跨鶴人。  
一笑掉頭鍾鼎事，清時花月讓閒身。

送王望如司理衡陽

蕉林詩集

七言律二

五

幾歲飄零楚大夫，重看佐郡傍江湖。  
獄興忽滿中山篋，事白終還合浦珠。  
黛色九疑雲影暗，雄風千載月明孤。  
平反他日如相問，錦字衡陽鴈有無。

送史煥章給諫歸鄱陽

時已內陞

抗手津亭木葉飛，溪雲嶺樹好忘機。  
承歡歲月無榮辱，補袞勛名有是非。  
十載夕郎碩果在，片帆江驛諫臣歸。  
孤踪特達君恩重，誰謂陽春和者稀。

二

憐余拙宦久浮沉，晨夕相過賴素心。  
獨向狂瀾雷

砥柱新從左掖悵桐陰清風羨爾門如水直節何  
人夜袖金卿月溶溶高鳳闕鋒車莫漫滯幽林

罷官口占

十年忝竊領官僚放逐身同一葉飄涉世自慙鳩  
計拙拂衣已見鳳池遙悲歌中夜思

先帝潦倒餘生荷 聖朝漫卷詩書吾土近西園

叢竹正蕭蕭

送杜子靜歸里

翩翩薇省聽鳴珂何事鄉心憶薜蘿黃葉寒催雙

蕉林詩集

七言律二

三九

杵急白雲秋傍太行多相憐岐路誰知已自昔陽  
春少和歌十載風塵同倦翼遲予携手問巖阿

二

曾聞一諾重千金高義如君俯碧岑破產共傳清  
白吏久要始識歲寒心盍簪意氣投吳縞把酒河  
梁動越吟別後加飡宜穩臥莫令華髮漸侵尋

三

秋老燕臺落曉霜良朋悵別各沾裳黃墟人去河  
山逸彩鷗舟輕水驛長杜氏從來稱武庫漢廷何

意滯馮唐同遊膠漆看萍散搔首西風幾鴈行

四

壯歲傷離欲白頭滿城風雨罷登樓花封猶自思  
潘令 聖主終能識馬周酒後放歌燕市暮曲中  
折柳蘄門秋子才豈合長林壑故國尊鱸漫滯留  
杜子靜中舍先有歸志予爲四詩送之後不  
果行前詩久棄敝篋中矣今春予被放歸  
田乃先子靜去人生聚散豈有定乎遂仍  
書前作復爲一詩留別

蕉林詩集

七言律二

四十

去秋聞別幾沾巾今日君飜送逐臣歸路喜逢花  
信晚離亭誰遣柳條新年當遲暮宜鄉國事到艱  
難見故人回首東華塵土暗漁樵天許付閒身

輓吳磊石侍御

直節終伸論定餘當年國是竟何如孤臣未了憂  
天志千載猶傳折檻書事到綱常無寵辱古來物  
理有盈虛讀公遺傳堪揮淚想像忠魂傍玉除

二

甘陵舊事詎堪論一疏飛霜叫帝闈碎首殿階留

碧血傷心旅櫬泣青門漢廷再啓膺滂禍湘水誰  
招屈賈魂剩有遺編傳孝子五侯當日幾人存  
題牟明府新構水亭

芳原小築結烟霞令尹茆亭傍水涯十里晴波沙  
際鳥千門春色縣中花時康夜市無驚犬政美閒  
庭有暮鴉暇日稱觥雙鳥至王喬作吏是仙家

送方邵邨侍御南歸

停雲千里意如何驄馬

以看問雀羅元氣淋漓圖

畫濕年華寂寞著青多座傾雄辯龍眠客遂倚新

蕉林詩集

七言律二

望

聲子夜歌孔李通家交不淺相期携手臥漁蓑

二

出岫閒雲暫滯留送君蕭瑟罷登樓十年霜鬢窮  
鬪塞三歲麻衣泣太丘祖道筵開風雨夜江程歸  
及芟荷秋莫言大陸飛塵急驢背奚囊亦壯遊

送繆子長還吳門

余門人繆歌起其猶子也

當年文譽滿詞塲濁酒忻逢醉夕陽國士早占小  
阮貴德門忽挹令君香人歸茂苑蒹葭白霜落滄  
沱草樹黃惆悵別筵投縞帶風塵客易老河梁

送尤展成使君兼謝扇頭新詞

翩翩吳客渡江湄，佐郡才名聖主知。  
避暑喜同河朔飲，羈愁等誦杜陵詩。  
秋山襖被聞鷄早，暮雨篝燈聽漏遲。  
紈扇清風如玉案，對君蕭颯我情移。

贈朱霜劬學博

鱸堂小試謝紛紛，河朔班荆喜遇君。  
客路依人彈短袂，當歌搔首坐斜曛。  
新詩每歎高書記，巖壑誰憐鄭廣文。  
把酒莫辭良夜醉，時清豈合老江濱。

贈成魯公年丈

蕉林詩集

七言律二

三

滹沱北渡亂春流，滿袖烟雲散客愁。  
把酒襟期凌海岳，閉關盤礴畫滄洲。  
佛樓聽雨禪燈晚，竹院焚香梵唄幽。  
知爾相門多玉樹，青氊塵尾自千秋。

贈漢陽吳禹石先生

少司寇廣庵尊人

延陵清譽世爭聞，大別山前臥白雲。  
永日烟霞供綠筆，佳兒沐浴浣中裙。  
榔杯畫舫江聲合，躡屐晴川樹色分。  
紫誥上尊參龍錫，德門今見動星文。

送何難青侍御歸樵李

大陸驚飛度塞鴻，良朋至止古人風。  
烹羔墻檉隣

家酒糴雀門停御史驄勝覽鷺湖稻畫錦輕裝驛  
路有詩筒練裙書罷驪歌奏衰柳河橋意未窮

贈丁飛濤南歸

飛濤亦于至平濟開登賢書

翩翩奏賦憶當年越嶠燕臺競祖鞭邊海初歸華  
表鶴詞場爭誦帝京篇衝風羸馬人無恙彈鋏荒  
城事可憐忽漫班荆容易別河梁惆悵菊花天

二

香爐畫省舊鳴珂版築艱難計若何士到途窮詩  
律細曲當和寡謗書多依人漫滅時懷刺襤被蕭

蕉林詩集

七言律二一

五三

寒曉渡河憔悴江潭吾道在漁樵此日是 恩波

送董玉虬侍御叅濟隴右

西臺久識令君香竟日爐烟遶筆床賓客到門塵  
滿歸殿廷封事草飛霜一麾障塞浮雲隔萬里關  
河野燒長執手相看雙鬢改滹沱木落月蒼蒼

二

江都三策重皇州雄鎮分藩亦舊遊藥裹書囊無  
長物客途鄉思暫登樓隴山烏鼠黃雲暮沙磧水  
霜白鴈愁折檻臣忠由 至聖窮邊拙宦自風流

寄魏貞庵相國

柴門蛛網故人疎，數感綸扉問老漁。  
古道論交期白首，新詩贈遠過黃初。  
中林苦計看山費，京洛頻聞逐客書。  
鄉里舊遊零落盡，平津賓從近何如？

寄懷劉增美中丞用芝麓宗伯贈別家兄韻

玉堂珥筆領仙班，賜履東方棨戟閒。  
吹角霜風清海岳，登樓嘯詠傍湖山。  
圖中哀鴈封章入，雪後輕裘按部還。  
相憶每勤雙鯉字，荆扉蕭寂破愁顏。

贈李來臣司理改令永寧

君在嶺南有弼教編

蕉林詩集

七言律二

四首

才人佐郡曲江灣，又借栽花輦洛間。  
百里鳴琴心似水，一編折獄判如山。  
天中吏散垂簾臥，嶺表舟輕載石還。  
地近崧高瞻嶽色，青春二室好躋攀。

寄懷張晦先學憲

南天雙鯉到烟蘿，湖海元龍氣若何。  
古署篝燈來瘴雨，蠻兒釋劍奏絃歌。  
清貧宦况文星近，漫興詩篇異域多。  
種秫東臯吾願畢，遲君樽酒話山阿。

董福兄少宰春日見枉寄謝

相逢雙鬢各成翁，春暮開樽落照中。  
拙宦我曹宜

放逐同官物望讓清通幼安不倦遼東榻弘景偏  
憐松下風命駕遠來交道在田間鷄黍未爲窮

寄懷王北山黃門兼謝詩扇

溪山雨笠混樵漁驛使殷勤慰索居千里冰紈明  
月影十行錦字故人書柴桑歸路隨孤鴈濠濮秋  
風問舊廬共惜黃門揮兩袖古來難進竟何如

贈呂文輔秀才

擅君平之術

文學爭傳高士貧蕭然門巷絕風塵成都避世垂  
簾客燕市悲歌擊筑人亭畔生徒多問字堂中鷄  
黍自娛親著書滿篋青囊貴誰傍羊裘覓隱淪

蕉林詩集

七言律二

四

上谷喜晤陳藹公用龔芝麓韻

三冬客舍愁方劇一夕荆扉喜暫開豪舉名爲湖  
海士風流人是建安才山林閱世春雲薄文酒論  
交朔氣回河北如君推領袖悲歌舊地我重來

陳藹公招飲燕山草堂賦謝

柳色當門半未勻夕陽樽酒草堂春遺風慷慨原  
鄉土肆力文章見古人戶外有車高曲逆座中投  
轄識陳遵十年苦憶班荆話傾蓋千秋願卜隣

贈別翁渭公駕部

美人何事泛春流，名滿樞曹借箸籌。  
吹笛幾停燕市酒，挂帆新上武林舟。  
十年風雨交情見，三月鶯花旅客愁。  
遠眺河梁腸欲斷，芳蘭寂寞罷登樓。

贈金右黃

忠臣有子抱遺編，把袂金臺落照前。  
父骨久寒湘水曲，門人重廢蓼莪篇。  
孤燈散帙分藜火，一笏傳家守墓田。  
河朔風流誰得似，德星今識季方賢。

送季闢山佐郡之南寧

蕉林詩集

七言律二

吳

仙班珥筆冠西清，佐郡翩翩嶺嶠行。  
慕義山猿新竹馬，晝遊梁楚舊聲名。  
江風片席三秋舫，瘴雨輕裝百粵程。  
前度重來君萬里，黃公墟畔涕縱橫。

夏日過高司寇湄園觀新築水亭

司寇閒居愛水雲，疏泉種柳謝塵氛。  
習池載酒招山簡，蘭渚籠鵝餉右軍。  
夾岸荷風簾外度，隔林槐雨檻中聞。  
依依魚鳥如濠濮，欲采芙蓉把似君。

贈沈繹堂館丈

岐路逢君落拓餘，休文圍帶近何如。  
喜從上谷班

荆會共說中山滿篋書吾道終難謁市虎 聖朝  
未許老樵漁承明著作須公等早晚深宮誦子虛  
初入都門同里諸公召飲霍龍淮納言及以

新詩依韻賦謝

薊門霜落菊花天又逐鷓行醉綺筵舊事頻驚寒  
鴈外新聲重奏晚楓前元龍湖海仍無恙柳下升  
沉亦偶然每媿迂疎逢盛際交情王貢古來傳

寄懷宮紫鉉

海陵春色竟如何遙憶江頭有綠蓑經授佳兒豎

蕉林詩集

七言律二

望七

臥早名高才子謗書多官袍乍舞加餐飯噩夢初  
醒穩薜蘿我亦新從憂患後故人異地托悲歌

題平孺人節孝傳

忍死存孤歲月迢懷清臺畔草蕭蕭歌成黃鵠聲  
悲咽紡罷青燈影寂寥素髮已看婚嫁畢衰門不  
畏雨風漂喜從孝子傳彤史魂傍曹娥可並招

贈平子遠

襤被重來話帝京風塵各訝二毛生一編報母恩  
劉向半刺投人歎彌衡笛裏落梅燕市泪車邊戴

笠越壇盟加餐且莫傷岐路按劍相知自世情

送友人備兵潮陽

別筵執手話情親嶺表旬宣藉故人荔子風披嵐  
翠曉枕椰雨過漳江春鱷溪自徙曾無害寶玉雖  
多不厭貧到日蠻兒歸漢法須知海外亦王臣

送張儁升儁兵淮海

久誦黃門諫獵章驪駒奚事動河梁六朝烟月蕪  
城最千里鶯花水驛長風雨交情如旦暮江淮使  
節見冰霜外臺莫悵浮雲蔽岳牧勛名重帝鄉

蕉林詩集

七言律二

吳

送許鶴沙觀察滇中

南天專臬比侯封今喜雲間藉士龍佩犢蠻方需  
岳牧引經漢吏貴儒宗寮帷金馬祠邊路弭節蒼  
山雨後峰化被洱西稀訟獄全銷兵氣事春農

寄汪自周同年兼謝惠詩

新詩喜誦穆如風望遠魂銷落照中鄉里衣冠尊  
綺季山家賓客拜龐公著書歲久蒼鱗古扶杖幽  
探白嶽雄他日相思裁錦字殷勤莫悞北來鴻

送王伯雍同年歸蜀中

伯雍前避亂滇南

飄零蜀客雪盈顛，洱海生還戰伐年。  
薊北漫爲彈鋏詠，漢西苦乏買山錢。  
荒烟烏道啼猿狖，春草琴臺泣杜鵑。  
歸去加餐營菟醬，那箇日醉錦江邊。

寄松帥狎天

吹角蕭蕭君子營，雅歌緩帶顛儒生。  
坐收安石淮南捷，屢破盧循海上兵。  
朱鷺爭傳鸞鶴陣，碧油暖炙鳳凰笙。  
十年安堵樓船罷，峰泖春深夜不驚。

栢鄉相國蒙 恩予告次退谷韻

相君新製芟荷衣，愁見班行鴈羽稀。  
十漸箴規資

蕉林詩集

七言律二

昇九

啓沃聯床緒，論比茲草青山。  
伏枕何榮辱，黃閣調羹幾。  
是非此後蒼生頰，屬望中朝蹇許謝安歸。

送貞庵相國歸里卽次見贈原韻

燕許文章管樂才，招賢東閣舊頻開。  
錦官桑爲歸田計，槐水人看賭墅來。  
一疏辭榮勤 睿念千秋吊古見，高臺忘機漸與輕鷗狎。  
野老追陪莫漫猜。

寄同年朱周望

故人捧檄尙萍踪，彭蠡湖邊路幾重。  
三泖已甘栽薜荔，一官今又泛芙蓉。  
著書誰過朱公叔，入洛猶

傳陸士龍鴻爪東西聊復爾春來莫負綠樽濃

送張東山少司寇致政歸陽城兼懷白東谷  
侍郎雅志在東山驛路春風拂袖還平恕早知容  
駟馬老成共惜去朝班洛中社啓衣冠集王屋雲  
開杖履閒白傅十年高伏枕耦耕樂事邈難攀  
送澹餘少宰填撫黔中

翩翩三十建旌旄唱罷驅駒解佩刀自昔五谿需  
馬援茲行萬里借山濤鷓鴣乍聽蠻雲暗瘴雨頻  
來箐竹高歷覽知君多藻思新成鏡吹夜揮毫

蕉林詩集

七言律二

五

高念東擢少司寇賦此志喜

文星近與法星隣簡在應回貫索春比部舊稱  
才子地除書喜得素心人已看稽古移前席每托  
同官接後塵莫事雲棲遊物外持平須仗濟時身

寄袁九叙撫軍

洱西建節歲華逾賜履重看靖海隅行部清霜凝  
嶽麓登樓春色徧明湖四知不減關西學累疏居  
然鄭俠圖東顧卽今杼盱食一犁甘雨罷雕弧

贈王中立總河

牙繡承 恩早建牙長河此日走龍蛇初開書戟  
春風細每對 彤墀晝影斜白馬曾聞沉瓠子金  
隄無復漲桃花功成砥柱看圭錫啣尾千艘入漢  
家

張晦先學使入 覲過齋中夜話

嚴程萬里入朝 天白髮相看絳燭前絕徼論文  
飛瘴雨春宵對酒話風烟蕭條宦橐長如客迢遞  
遊踪不記年太史原多山水助知君五嶽著新篇

二

蕉林詩集

七言律二

五

遠道停雲客思深殘春對榻漏沉沉蠻方行部唯  
孤鶴荒署篝燈但苦吟蒿目歛歛天下討論文澹  
泊古人心有才如子塵中老白雪彌高幾和音

送張晦先往黔中

勸門風雨聽歌驪惆悵楊花送馬蹄乍返鄉關仍  
驛路喜看文教被雕題鷓鴣聲裏荒烟合鴻鴈洲  
邊落照低回首故山頻北望浮雲漠漠帝城西

二

紅亭吹笛曉猶寒芳草青青眼倦看十載逡巡人

老大一官去就事艱難離樽更進心方折豨峒重  
經路幾盤倘過荊州王粲宅登樓有句寄長安

贈杜子靜初授編修

幾年秘閣借才名太乙藜燃午夜清晚遇馮唐勞  
聖主時容賈誼見群情編摩功在圖書府稽古人  
看車馬榮視草承明君莫厭征南武庫自崢嶸

郝雪海見過邨中賦贈

經綸袖手賦閒居唐水持竿學釣魚犢鼻隨時聊  
復爾龍泉知我定何如薊門喜聚真人氣鄉里堪  
蕉林詩集

七言律二

五

乘下澤車莫悵遭逢長不偶

先皇曾識錦江書

君有錦江十六疏

二

謾言吾道直如繩世上浮雲未可憑久滯殊方餘  
皂帽誰憐吊客有青蠅春風擊筑燕山酒中夜披  
衣邸舍燈起舞聞鷄君里亭談深意氣自飛騰

劉

中山人

三

抱膝長吟薜荔村偶來燕市坐黃昏心傷鵬鳥湘

南客力障孤城蜀北門  
指畫山川天下士窮荒涕  
淚 聖朝思一人知己  
曾無憾且盡春宵濁酒樽

君曾遊  
湖南

蕉林詩集

七言律二

五

蕉林詩集

真定梁清標玉立甫著

七言律三

暮春齋中小飲

輕陰小院暮雲平，燕語喃喃綠滿城。  
庭樹香來侵酒氣，檐花雨過品茶名。  
宦情渾似三眠起，世事寧堪萬慮嬰。  
無計留春須共醉，晚風愁送麗譙聲。

退谷先生云廿年閉戶唯送貞庵相國及余

始一出耳感而賦此

蕉林詩集

七言律三

擁書萬卷掩柴荆，廿載唯看送兩生。  
敢謂仙舟因有道，曾聞惠遠重淵明。  
河梁此日圍棋興，潭水當年逐客情。  
設說青門多祖帳，感君交誼每沾纓。

贈王文遜守沔陽

竟陵五馬領刀州，年少翩翩擁上游。  
舊是烏衣佳子弟，新看皂蓋古諸侯。  
披襟暑散蘭臺氣，露冕波恬夢澤秋。  
此地當年經百戰，瘡痍每繫使君憂。

送李伯清令滋陽

君與趙忠毅公同邑

名儒爲政自循良，鄙上風流詎可忘。  
先達舊多屬

顧譽拜官今傍聖賢鄉  
薊門送客歸裝薄魯國鳴  
琴化日長保障繭絲誰更問對君如復見靈光

送劉廣昇金吾歸安邑

早從禁籞領仙班  
拂袖雙旌未可攀  
輦路退時耽嘯咏  
曉鶯啼處憶鄉關  
丹砂秘就壺中藥  
姑射晴看雨後山  
歸去唐風猶近古  
逍遙人世駐朱顏

寄贈周觀我明府守應州

自寧晉令遷此

雲中城郭舊鬼巖  
賢守褰帷此地過  
五日椎牛沙磧冷  
三春露冕雪風多  
山蟠龍首看歸鴈  
草長飛狐族  
橐駝漫道趙人終  
可用功成紫塞豈蹉跎

薰林叢集

七言律三

二

送嚴方公司農歸楚中

我來未幾送君行  
世路波濤日日生  
十載子陵思釣石  
一朝嚴助去承明  
琴書入橐津亭曉  
魚鳥親人夢  
澤平八座還山恩  
自渥風塵悵望片帆輕

二司農前守武林全活人甚多

抗手青門著苧袍  
司農歸去問蘅臯  
鴻冥南潞江湖濶  
龍臥東山薜荔高  
吳會感恩當草昧  
長安拙宦是吾曹  
四時成序身堪隱  
莫漫悲涼續楚騷

送霍龍淮納言歸里

直道頻邀 聖主知山中猿鶴望歸期納言久代  
天喉舌用拙寧堪路嶮巖燕嶠暮雲人別後蒼巖  
秋色鴈來時鄉關同好俱零落把酒河梁步屣遲  
送門人潘起代請告歸建昌

黃門焚草放蘭舟乍聽驪歌悵舊游善病安仁辭  
北闕清風孺子憶南州陰畱左掖梧桐影棹返野  
江錦樹秋汝去不須求秘藥麻姑壇畔是丹丘

壇在建昌

蕉林詩集

七言律三

三

寄懷劉潛柱同年時入川督幕府有書來

聞君襍被去中林萬里忻看寄好音久以上書淪  
賈誼又從草檄重陳琳幾年風雨良朋話三峽星  
河遠客心幕府故人如見訊爲言白髮已侵尋

雨霽

帝城新霽散烟光茗竈書籤引興長雨足陂塘萍  
藻靜風迴御苑芰荷香西山計日來秋色初月迎  
人動夕涼遙憶故園韓水漲蕭蕭網罟遍漁梁

送吳玉騮同年假歸淮南兼憶玉隨

紅亭愁見鴈分飛抗疏名高楚息機豺虎憂深鄉  
思苦掖垣人去諫書稀小山有賦生叢桂秋水停  
帆羨錦衣到日聯床風雨話琴樽無恙蟬螿肥

姜定庵內擢後仍補諫垣賦此志喜

中朝久識皂囊名青瑣重看借老成 聖主求言  
思汲黯公卿抗疏有匡衡十年海畔憂時淚萬戶  
星臨問夜情仕路積薪煩 睿慮故人何以答昇  
平

賀于岱仙侍御以京卿改補諫垣

蕉林詩集 七言律三

四

當年執斧肅霜風栢省梧垣獻納同卿月忽臨新  
瑣闥都人猶避舊花驄芳蘭誼重清樽裏碩果名  
尊白簡中嘯圃盱衡知有日治安早奏建章宮 侍御

園名  
嘯圃

輓錫山同年許習之

梁溪高蹈絕風塵誰向黃冠問許詢射策殿中推  
獨步披裘江上老孤臣離群渭北春來句歎逝山  
陽笛裏人掛劍墓門何處覓茫茫秋草罷垂綸

高念東姬人亡爲詩輓之用東坡韻

玉隕蘭摧莫問天  
洗粧苦伴譚玄書  
眉京兆原  
多事誦偈朝雲  
晚悟禪葉春風  
江上句梧桐夜  
雨夢中緣絮飛  
不待丹成去證  
果三生洛浦仙

夏夜馬覲揚侍郎招飲觀劇

吹笙高會鬱金堂  
碧簾冰盤起夕涼  
我輩聞歌桓  
子野主人好客  
馬賓王風迴樺燭  
情無厭露下檐  
花夜漸長舊日何  
載今幾在渭城唱  
罷欲沾裳

新秋

帝城節序太匆匆  
沙磧遙知起塞鴻  
殘暑正宜蕃

蕉林詩集

七言律三

五

木麗新秋早  
暗到梧桐劇譚爽  
入琴樽夜高臥涼  
生枕簟風安得小  
舟乘興去藕花深  
處問漁罾

贈井陘道蔡方山使君

使君尊人爲先兄辛未同籍

中山憲府奏饒歌  
孔李通家意若何  
河朔少年爭賣劍  
榕城閱閱故鳴珂  
登樓笳吹清霜肅  
行部帷開暮雨多  
聞道政成禾被野  
千巖秋色滿滹沱

送夏次念東韻

陶家松菊徑猶存  
切切陰蟲亂旅魂  
刀尺早催雙杵月  
笙歌乍冷五侯門  
叢花滄露螢光小  
積雨侵

皆水氣昏蕭瑟謾教悲物候十年踪跡耐寒溫

七夕小飲

值家姪承篤生日

葭莢蕭蕭映御溝千峰寒影散  
皇州年華已自衰鴻鴈河漢空勞待  
女牛夢裏關山燕市月機中錦字塞垣秋  
阿咸此夕觴須滿漫向西風動客愁  
送熊青嶽學士還孝感省覲

抗疏匡衡結

主知陳情烏烏荷

恩私嚴程迢

遙寧親日廣厦從容論道時酒罷河梁風浩蕩秋

高雲夢鴈差池講筵啓沃看虛席早命鋒車對玉

蕉林詩集

七言律三

六

輝

劉庄卽事次念東韻

是日演黃梁夢追憶昔時同雪堂淇瞻集  
此園觀秋江劇不勝聚散存亡之感

剪剪西風荇藻香烟波一曲鳳城傍酒壚客散河  
山逸槐國人醒歲月長便欲觀濤吟七發渾疑落  
木下三湘聞歌今昔同流水莫負溪橋漱灑光

再次念東韻

雪堂侍郎贈歌者陳耶有烏絲紅淚之句

銀塘瑟瑟杜蘅香落日開樽野水旁黃葉碧雲人

既遠烏絲紅淚恨偏長空聞送客傷  
湓浦無復招魂吊楚湘秋色依然軒檻外  
那堪重認舊湖光

送易晴湄權關許塋

江程秋靜晚楓天才子西曹奉使年  
種德門閭容駟馬持籌刀幣等流泉  
鴻飛八月離亭酒漁唱三更估客船  
知爾懸魚堅素節東南民力已蕭然

送德徵舅氏令鹿邑

捧檄高秋驛騎催宋人爭識令君來  
飛鳧葉縣多仙骨馴雉中牟是吏才  
落日烏啼梁苑雪西風馬度孝王臺  
驪歌早入琴聲裏霜滿青門數舉杯

蕉林詩集

七言律三

七

送許青嶼侍御歸毘陵

聽馬蕭蕭下潞河上書歸去臥巖阿  
側身天地浮雲滿才子江湖謫宦多  
京洛遊從憐舊雨毘陵秋色入烟蘿  
空囊剩有扁舟月良夜無驚醉尉訶

秋夜齋中憶去年此日北上宿伏城驛親友

雨中話別忽忽浹歲感而賦此

隔歲嚴裝別里門清秋對榻驛燈昏  
驅車愁逐霜天鴈祖道寒生兩夜樽  
京國風雲新意氣孤臣草

野舊驚魂何堪此日重回首夢遠中山落葉村

送施愚山少叅南歸遊嵩山

擁節西江久策勲宛陵詩法古今聞燕山雨夜堪  
酬唱機杼蠻方有織紋去訪貝多嵩少樹歸看秋  
老敬亭雲一官君莫傷遲暮天許遊成五嶽文

送劉峻度明府之曲陽

美人出宰古恒州三輔名尊百里侯吏散垂簾瞻  
嶽麓風清吹角倚山樓荒祠草長黃雲暮大茂霜  
飛錦樹秋花月廣陵佳麗地携將春色徧西疇

蕉林詩集

七言律三

八

贈徐文侯方伯

岳牧中原頌石麟十年轉餉倚勞臣 靈書天上  
徵藩伯手板津亭見吏人馬度黃河楓葉滿村飛  
暮雨稻秔新朝端啓事多推轂早晚 恩波出紫  
宸

贈嶺南張迭兩令莆田

仙吏分符傍上溪荔枝香裊海雲低蓮峰縹緲看  
猿度江雨鉤輞聽烏啼夾深書堂縈蔓草水犀樓  
櫂罷征輦嶺南風土元相近花發垂簾似故棲

送高弗若司空 予告歸韓城

數載新詩憶送君，清秋今復悵離群。  
我來燕市萍踪合，客度秦川樹色分。  
去國囊中餘藥裹，冥鴻天外叫關雲。  
曲江舊侶多零落，回首紅亭已夕曛。

送馬覲揚司寇請假歸平湖

浩蕩秋風逐去旌，同官治獄舊稱平。  
心懸菽水三公賤，身傍河梁一葉輕。  
驛路晚楓寒鴈陣，客舫細雨暮江聲。  
東山棋墅休堅臥，旦夕鋒車繫聖情。

二

蕉林詩集

七言律三

九

侍郎衣錦快揚舲，岐路驪歌詎忍聽。  
酒罷離筵秋露白，人歸拂面故山青。  
法曹辛苦容休沐，良友差池失典型。  
到日菰蘆烟月好，當湖濯足水泠泠。

中秋小集

鳳城明月滿秋宵，良友多閒折簡招。  
世事無如今夕醉，清光却憶故山饒。  
御溝蘆荻搖波影，碣石魚龍泣海潮。  
露下酒闌人不寐，天街夜色正蕭蕭。

中秋後二日石仲生侍郎召飲金魚池莊

勝地長安此一隅，秋塘草色早霜鋪。  
開樽萬柳新

池館回首三年舊釣徒  
人醉幔亭簫鼓宴月高杜  
曲水雲圖酒餘俯仰非華  
髮擊筑燕山客有無前

生與余  
同被放

贈張幹臣學士左遷歸廬陵

學士乘秋命筍輿十年名重五雲居  
肯違劉向傳經志曾誦相如諫  
獵書薄譴恩終勞聖主讜言  
利已徧閭閻廬陵自昔高風節  
揮手蕭然寵辱虛  
送王羽登同年歸山陰

廿年閉戶老林丘襜被來尋京洛遊  
隔世弟兄重

蕉林詩集

七言律三

十

剪燭他鄉風雨一登樓  
歌殘幸舍侯門缺櫂返山  
陰雪夜舟歸去東籬叢菊  
發隣牆過酒話神州

九日登靈佑宮閣

萬家砧杵動長安傑閣秋容畫  
裏看亂水蒹葭霜色老  
泰壇烟樹夕陽寒茱萸入鬢  
懷鄉國塞鴈乘風健羽翰  
三徑黃花誰更摘客情蕭瑟  
罷憑闌

送夏敬孚侍御假歸壽春兼追憶普生同年

良朋驄馬忽駸駸倦羽懷歸戀舊林  
紅樹江程紛落葉青門驪唱亂秋砧  
憂深廊廟封章切家傍濠

梁戰壘沉却憶元方琴久罷鶴鳴原上已蕭森

秋日次念東韻

露濕啼螿夜未休西山涼影挂城頭書來鄉土頗  
憂歲老去羅衣不耐秋燈下剪刀關塞淚篋中團  
扇漢宮愁年年候鴈分南北依舊桑乾帶暝流

二

玉勒空思俠少遊閉門紅葉伴清幽晚涼欹枕星  
河夕積雨平橋鄂杜秋南國桂叢誰獨隱西堂蟋  
蟀盡關愁五湖烟月仍無恙何處堪乘范蠡舟

蕉林詩集

七言律三

十一

瀛臺卽事

西苑芙蓉輦路香垂鞭迤遲御溝旁鷗沙日映千  
林曉龍舸帆懸一水長早見橫經勤講幄偶從避  
暑泛清湘侍臣並列宮槐影劍佩遙瞻太乙光

畫眉

綠窓喚醒夢千千清晝雕籠婉婉轉呼淡掃偏嫌螺

黛染曉粧偷取遠山圖

合德入宮爲薄  
眉號遠山黛

不須好句

馴鸚鵡絕勝佳人唱鷓鴣想像當年京兆筆趙家  
姊妹妬還無

念東有詩志爲詩留之

同調中原爾駕優浮沉宦跡托江鷗如年秋夜安  
魂夢似水西曹足唱酬神武謾成弘景願名山且  
待向平遊淮南桂樹雖堪憶其奈王孫不可留

再贈念東

君慕冲舉不好備暇賦詩每苦爲韻所縛故戲之云

知古高君孰與儔西曹柱頰對清秋臨飡每恠何  
中令覓句偏憎沈隱侯靜裏琴心三疊籙倦來歸  
興五湖舟於今林壑多矰繳避世金門尚可留

哭門人黃雪筠中翰

蕉林詩集

七言律三

十二

可惜吳門黃內史春來相對但愁顏書生輾轉維  
摩病客死蕭條供奉班素幔風迴聲淅瀝青楓魂  
返路間關文章自古憎時命千里冰霜廣柳還

二

領袖南宮早擅名三年橐筆步西清妻孥遠道無  
書札存沒窮途仗友生遺藁茂陵秋草暗空堂暮  
雨砌蟲鳴及門數子多零落車過能忘捫腹情

哭門人潘起代給諫

春明纔出告喪來猶憶論文識子才行簾蕭然餘

諫劄故鄉迢迢半荒苔扁舟夜火孤兒泣旅櫬淒  
風急雨催氣誼西江重見汝潞河東望幾腸迴

送何昭侯聞母喪歸山陰

同榜長安客漸稀科名晚達尙愁饑登樓有賦秋  
將老捧檄娛親願已違九月麻衣垂橐冷一帆寒  
雨伴鴻歸里門寂寞誰當問鼓角聞聲不啓扉

送龔太守之平涼

含香譽重白雲曹北地朱幡亦自豪領郡驂騑衝  
暮雪塞帷寒鴈下空濠羌中野燒邊笳急戰後蕭

蕉林詩集

七言律三

十三

關障塞高三楚雄風多好句涼州一曲醉蒲桃

送同年陳與甫請假歸里

冰雪燕山倦客歸當年同學自輕肥庭爭長孺人  
空老米索東方宦亦饑舊侶梁園看雨散新裝驛  
路羨鴻飛金門此日元堪隱漫向溪邊問釣磯

送吳孟舉歸石門

江東才子建安儔入洛擔簦後壯遊樽酒從容燕  
市筑奚囊鄭重潞河舟中宵笑語瞻風貌千古文  
章力校讐歸去湖山多著述牙籤玉軸滿書樓

飛霰燕山解佩刀啼鶯送客返東臯才名鄴下青

雲近旗鼓中原白雪高投紵千秋傷友誼

悼亡友介子

擁書萬卷見君豪延陵門第風流在落落乾坤有

布袍

送孫令之南靖

才人作吏去江潯仙鳥何愁瘴霧侵孤舫蕭寒三  
月雨一官徙倚十年心漢宮曾誦相如賦聞海新  
傳宓子琴到日訟庭空案牘再簾仍不廢高吟

蕉林詩集

七言律三

十四

送林非聞同年歸四明

五噫歌罷出燕關挂席春風越客還湖海囊空餘  
白舫釣磯雪霽見青山芸編世業兒曹在蕊榜高  
名歲月閒當日林逋能放鶴君家雅尚更誰攀

送念東請假歸里次張敦復韻

良朋揮手去宮廊吏隱蕭然有髣霜蓮社肯容陶  
令酒峴山獨拜德公床輕拋華紱新居士勇退中  
流老侍郎當日青門曾共約春風黃鵠自相徻

將為

勞山武  
林之遊

雅尚洪崖欲與齊丹成不復事筌蹄開籠已縱雲  
霄鶴對榻寧忘風雨鷄五岳芒鞋三載夢一編細  
帙片帆携何時更看立都樹樽酒論文鳳闕西

送上三鉉副憲歸翼城

白首南床舊繡衣何緣拂袖問巖扉古來遷客多  
言事此日輕鷗斃息機十載燕關蕉夢醒一時梁  
苑鴈行稀王官谷口春無恙水漲桃花綠漸肥

送黃次辰太宰請假歸武林

蕉林詩集

七言律三

十五

青春歸興托冥鴻潞水帆懸五兩風千頃朝端思  
叔度七賢林畔返山公西陵烟雨清樽裏東浙樓  
臺罨畫中湖上漫教頻賭墅爲霖人久在紗籠

寶應侍御喬聖任先生家居偶寫小像一鶴  
忽飛集庭下依依不去廿餘年矣

驄馬閒閒物外身何緣庭際鶴來馴孤山正可招  
佳客緱嶺還應傍主人丈室迴翔霄漢羽九臯清  
暎海門春射陂歲月長無恙不必驂鸞訪道真

送門人王子厚給諫歸鄆陵

其尊人成進士  
年方壯

病渴文園苦憶家人歸  
梧省綠陰斜一門登第看  
青髻四月趨庭擁絳紗  
授簡久虛梁苑雪開樽猶  
及洛陽花 聖朝不諱思  
封事莫使閒身老歲華

初夏

榆錢杏酪已蹉跎  
瑟瑟閒庭有綠莎  
風雨殘春還  
蘊藉樓臺新夏自清和  
華胥夢醒晴烟細  
韋曲花深落照多  
却憶西村陰十畝  
雙柑斗酒事如何

二

疎雨微雲御袂天  
王孫何處競珠鞭  
含桃新貯青

蕉林詩集

七言律三

十六

絲籠淺瀨輕移綵鷁船  
燕正來時花半落  
客當倦後柳三眠  
東華容易春歸去  
飛絮啼鶯倍可憐

送門人董默庵典試滇南

右文南詔罷凋戈  
萬里詞臣擁傳過  
王會圖成聲教遠  
天人策奏令名多  
三秋洱海收炎瘴  
百粵珊瑚入網羅  
爲泛昆明知廟筭  
石鯨鱗甲更如何

送宋荔裳觀察之蜀中

行行九折莫迴車  
三至驚心患難餘  
已荷轉圜憐宋玉  
新看諭蜀遣相如  
乘槎好問支機石  
種德應

傳城旦書到日訟庭縈茂草邛筒頻醉浣花居

二

十年湖海賦登樓擁節西南是壯遊玉壘烟雲才子地錦城絲管帝王州人來益部星辰動舟下夔門灑瀨秋戰後山川逢綵筆高塗橫槩見風流

用雲間朱彥則韻贈承篤侄令錢塘

吾兄清白舊名高四壁蕭然爾自豪杖策每深湖海志分符應耐簿書勞六橋風雨停飛蓋千里帆檣起怒濤都會西吳需保障於今苛政密如毛

蕉林詩集

七言律三

七

秋日閒居

秋堂拄笏向朝暾積蘚盈階印屐痕蕉拂軒窗晴更雨花垂簾押畫仍昏蟬聲繁似孤村野露氣涼如拙宦門最怪楚臣傳九辨西風入戶每銷魂

送門人沈康臣典試江南

暫出承明著短袍共推清鑒析秋毫篝燈鏤院文星近望馬吳門練影高驛路晚楓迴旅鴈石城暮雨漲江濤六朝人物還如舊收得機雲是俊髦

秋陰

漠漠涼雲向晚稠一簾細雨草堂秋綠陰冷逼蟬  
吟苦紅影幽涵水氣浮謾說蟲魚非磊落何堪案  
牘悞風流鳳城高處寒偏早搗練聲中耐遠愁

送朱彥則之中州卽用見贈原韻

碣石秋高鴈影回雲間詞客絳帷開每憐岐路空  
彈鋏猶憶論文一舉杯馬度黃河霜葉落鷄鳴古  
驛雨聲來入翠徇吊侯生墓蕭颯悲風滿吹臺

壬子歲暮汪蛟門舍人以黃熟橄欖相餉並

示新詩次韻賦謝

蕉林詩集

七言律三

六

翩翩衣馬五陵奢清餉何來陶令家簾閣焚香除  
夜酒風塵回味趙州茶故人知我心如水好句多  
君語帶霞幾載長安同拙宦那堪孤燭送年華

送衛聞石相國歸里

春風乘傳路倭遲辛苦調羹有鬢絲勇退頗看邀  
主眷清名每自畏人知荀與謝傳圍棋日齋閣維  
摩示疾時宰相山中須強飯老臣出處係安危

送楊鄂州駕部歸楚中

君奉使轡中曾便  
道訪余里門

論兵畫省舊鳴珂猶憶衡門擁傳過酒半贈言風

雨集蠻中持節瘴烟多漢廷拊髀需頗牧楚客歸  
心戀薜蘿鄂渚臥看春色好萋萋芳草更如何

送杜子靜太史請假祀墓

新柳依依治客裝銷魂今古是河梁才名自足傾  
同舍筆札頻聞出尙方天上青簾春水櫂樽前紅  
燭薊門霜甘泉此日多詞賦謾向山中製芟裳

二

潞河水泮草如烟去掃松楸京兆阡丙舍看廻鸞  
鳳紙在原更誦鵲鴿篇芝蘭白首臨岐話燈火春

蕉林詩集

七言律三

十九

宵送客天我亦倦遊將解帶離筵抗手思愴然

聯有

第  
喪

三

十載駕行落拓身玉堂翔步尙逡巡最憐寂寞陽  
春曲猶憶周旋去國人擊筑醉餘占意氣還丹悟  
後厭風塵君才未合依豐草誰爲朝家念積薪

四

定交弱冠賦鸚鳴帝里朋簪復望衡肯爲一官同  
嚇鼠且從二月聽啼鶯浣花日暖騎驢出杜曲春

深載酒行九折宦途身退早五陵衣馬正縱橫

送張正甫學憲之蜀中

薊門送別綠楊天劍外持衡絳帳懸才子莫教淹  
異域錦城猶是舊風烟星占漢使褰帷日士就文  
翁化蜀年水鑑好收楊馬韋戰餘奇字幾人傳

送杜振門總憲致政還蒲坂

去年司馬洛中來今日何緣祖帳開勇退緇塵渾  
不染忘機海鳥自無猜中車春滿王官谷抗疏風  
高御史臺聞道故鄉俗信美條山翠色對啣杯

蕉林詩集

七言律三

三

送洪瑞玉學憲之秦中

含香僊吏擅才華西入咸京擁絳紗渭水春涵山  
月小關門氣逐旆旄斜周秦金石歸行橐遷固文  
章屬大家暇日三峰多勝覽臯比坐咏對蓮花

送張學憲之閩中

才名粉署重持籌校士東南擁節遊五月荔枝迎  
畫舫八閩烟雨暗江樓天風海外文章幻榕葉城  
邊戰鼓收到日生徒興禮樂刺桐花發聽歌謳

送李星巖侍御改令信

五

行行驄馬舊鳴珂，瘴海何緣揀轍過。  
痛哭上書朝右肅，古今遷客嶺南多。  
好從龍窖探風雨，莫向湘江吊汨羅。  
豸繡偶煩親吏事，漢家宣室豈蹉跎。

寄懷仙遊同年徐元孺兼謝畫扇

良朋散髮臥滄洲，爲寫溪山寄舊游。  
榜下才人推孝穆，古來高士重南州。  
鯉湖雲起仙踪近，夾漈堂開海氣浮。  
遙憶閒身多著作，荔枝香發滿書樓。

送謝瞻在侍御扶侍歸定海

惠文初換老萊衣，將母承恩出帝畿。  
五月船窓

蕉林詩集

七言律三

三

聽雨過片帆，江驛見花飛。  
晴開鶯脰滑，輿穩波定蛟門戰鼓稀。  
閩里晝遊誇豸繡，北堂日永饌魚肥。

贈王蓼航中允外補贛南副憲

蘇門高臥廿年餘，喜見朱顏玉不如。  
嚴助何緣辭侍從，深源未合老樵漁。  
新持贛水諸侯節，舊著名山太史書。  
同舍故人今幾在，對君把酒重踟躇。

二

再起東山尚黑頭，雙旌六月下虔州。  
百泉久許供長嘯，千騎今看借壯猷。  
地軸雄當甌越會，灘聲秋

合貢章流江城曉色如圖畫按部褰帷亦勝遊

齋中合歡花盛開蛟門舍人有詩見詒次韻

和答

小圃當年種合歡放衙獨對勝檀樂玄都再到花  
無恙春雨重經葉未乾覆屋謾誇生帶草過墻應  
不比門蘭風懷蘊藉誰如子樹色依依好共看

送周量職方出守桂林

衝暑朱旛下瘴鄉江雲盡處嶺雲黃溪山臥閣新  
轉郡帷幄披圖舊職方萬里囊書湘水棹片帆載  
蕉林詩集  
七言律三  
三

石鬱林裝京華北望如天際回鴈峰前客思長

二

使君庭列五驂騮把酒燕山別緒稠鈿鉞潭邊蠻  
雨暗鷓鴣聲裏楚江秋登科衆媿劉司戶騎竹兒  
迎郭細侯獨秀峰青供嘯詠才人作吏自風流

送萬榕眉備兵肅州

張掖褰帷漢使過西曹此日散鳴珂玉門霜落秋  
風早青海沙飛獵騎多地入渥洼來汗血人當暑  
雨渡黃河射堂清暇蒲桃熟醉聽涼州塞上歌

送黃無庵備兵甘山

僊郎西去控羗戎，建節居延障塞雄。  
饗士軍中明獵火，落梅笛裏動秋風。  
支月冷邊雲黑，空磧霜寒野燒紅。  
莫道書生無壯事，當年博望奏奇功。

送門人夏鄰湘省覲歸丹徒

風雨青門送客初，詞臣歸傍故山居。  
高城組甲休兵後，晴晝宮袍問寢餘。  
六代江潮環北固，三吳襟帶屬南徐。  
鄉關歲月無虛負，丁卯橋邊好著書。

夏日

蕉林詩集

七言律三

三

上賜宴瀛臺觀荷恭紀

曲讌芳湖喜起同，翠華晴日駐離宮。  
苑槐曉旭金莖露，魚藻涼生水殿風。  
太液冲瀾掩素練，樓船容與罷瑀弓。  
昇平幸覩天顏霽，共望紅雲扇影中。

二

日麗璇宮問寢回，昆明池畔御筵開。  
鷓班雲擁趨僊仗，龍舸帆移過漸臺。  
雨霽荷香迎珮入，宸遊笑語自天來。  
侍臣旣醉歌晞露，西嶺烟霞落酒杯。

送何玉其孝廉下第歸嶺南

粵客懷歸落照邊  
芰荷香發葉田田  
調高郢雪原難和  
草就雄文自可傳  
暮雨枕椰嶺  
海路秋風詩卷孝  
廉船莫因金盡歌  
長缺珍重公孫奏  
對年

寄懷同年呂半隱兼謝寄書

聯鑣猶憶曲江遊  
良友書來欲白頭  
避地子真仍傍市  
依人王粲數登樓  
蠶叢遠阻田廬廢  
苔上幽居薜荔秋  
惆悵酒壚如隔世  
喜從彩筆見風流

送白祇常令雲和

祇常對策余讀卷

蕉林詩集

七言律三

三

東甌僊令拜新除  
風雨津亭促去車  
篋衍好携循吏傳  
殿廷曾讀治安書  
官閒邑里花常滿  
訟少山城日乍舒  
通籍十年沾一命  
茲行捧檄意何如

贈趙山子孝廉歸吳江

松陵才子滿囊詩  
襖被秋風悵別時  
狗監未通司馬賦  
故人猶識彥升兒  
臨岐我共憐雙鬢  
遠樹誰能借一枝  
歸去好尋皮陸輩  
閉門却掃著新詞

寄懷同年關六鈞

美人高臥隔江關  
千里雙魚一破顏  
佑舶潮聲天

竺雨秋風桂子虎林山伯愉  
山戶辭州辟和靖開  
籠放鶴還鴈羽差池吾媿汝  
十年案牘鬣毛斑

之字伯愉隱居不應辟召

送鄧元固假歸東昌

藏有平原祭姪文墨蹟

含香畫省久浮沉秋水舟輕返舊林  
東郡山川迎桂楫  
薊門風雨動霜砧  
才名遲暮爲郎日出處  
逶迤倦客心  
歸路莫嫌垂橐冷  
裝頭寶墨勝黃金

送許元公守紹興

鐘鼎家聲世共聞  
單車領郡越江濱  
山陰翠色迎

蕉林詩集

七言律三

三五

飛蓋燕市離尊起暮雲  
行部好尋蘭渚月  
防秋新餉水犀軍  
當年樞省知才吏  
此日虔刀擬贈君

送李鄴園少宰開府浙中

杖節東南賜錦貂  
秋風笳鼓馬蕭蕭  
祇緣廟

略深邊計遂令山公罷  
早朝入壁霜清君子陣  
登樓弩射浙江潮  
上卿劍履文昌近  
緩帶湖頭白羽

銷

送吳臥山歸雲間

西風客渡潞河流水部詩名滿  
帝州善病豈關

圍帶減倦遊忽憶膾鱸秋篝燈散帙烏皮几聽雨  
推篷彩鷁舟唳鶴灘前容暫臥梅花官闕莫遲留  
贈周緘齋編修假旋錫山

渴病相如下漢廷芙蓉雙闕舊談經停帆葭菼侵  
霜白歸路椒山拂面青叢菊晚芳人澹寂名泉朝  
汲水清冷鯉庭莫戀斑衣好詞館諸賢望典型

送黃都護之川東

年少登壇組練輕西風吹角壯君行幕中錦罽賓  
人舞劍外清霜已子城縞字論交存古誼油幢出  
蕉林詩集

七言律三

三

獵按邊情燹渝慕化須儒將

廟略分明欲洗兵

送喬石林假歸寶應

時有兄喪

舍人拂袖悵歌驪歸問山中舊柘溪下直敢言溫  
室樹杜門時對宋窓鷄浣裙歲月輕華紱挂席江  
湖罷鼓輦子敬那堪琴響絕鴿原腸斷草萋萋

二

倦羽乘風客思重寧親秋泛水溶溶黃金臺畔驂  
騶散白馬湖邊綠醕濃齋雨廉纖紛木葉江程迢  
遞冷芙蓉竹西歌吹無畱滯遲爾同聞長樂鐘

送金長真守廣陵

良朋再出擁千旄十載天中撫字勞臥閣新看陪  
苑柳行春好聽廣陵濤魚鹽利半歸豪右水旱憂  
偏繫賊曹知爾單車能化俗蕪城高詠夜抽毫

二

燕市朱旛喜再過別筵忍復奏驪歌吹埴仲自稱  
難弟聽兩人頻問設羅瓜步落潮驚鴈度邗溝明  
月入秋多汝南畱滯占廉吏淮海行看頌五紽

送陳編修扶侍歸閩中

蕉林詩集

七言律三

三七

下直早辭金馬署奉親歸逐鴈鴻天安仁挾彈爭  
連手雀湜吟詩正少年鼎養寵分僊掌露晝遊人  
上木蘭船蕉紅榕綠家山好授簡寧忘雪苑篇

輓門人張禮存

射策高名邁等倫早年凋落每沾巾王恭鶴筆如  
仙侶衛玠羊車號璧人淚盡江雲南鴈急阡埋秋  
草北邙新何緣才子多無命遺稿還應動紫宸

送張素存編修歸省

珥筆詞臣拂袖歸青簾白舫問庭幃十年侍從看

鵬息八月江程見鴈飛  
鐵甕秋高喧鼓角  
玉堂人自浣綸衣  
入門喜放東籬菊  
回首風雲客漸稀

送徐原一編修歸崑山

君家三鳳盛科名  
惆悵元方振袂行  
宣室終當思賈傅  
詞臣未合厭承明  
開窓烏柏秋  
山色坐雨青  
楓落葉聲漫向蘆  
中悲失路  
持螯浮白醉婁城

送汪蛟門舍人還廣陵余適有嶺海之行

簡書萬里去鄉關  
那復秋風送客還  
良夜論文頻問字  
鄰牆過酒每開顏  
袂分燕嶠愁中月  
人憶邗

蕉林詩集

七言律三

三

江雨後山萍散青門  
同抗手蕭蕭柳色已難攀

二

金門索米歎浮沉  
一紙鄉書客思深  
庾嶺梅花吾獨賞  
蜀岡明月汝孤吟  
倚閭久繫慈烏願  
嚙指今懸子舍心  
淮擬棹迴歌吹路  
平山堂畔醉高空

